

欽定剿平三省邪匪方略

欽定剿平三省邪匪方略正編卷二十四

丁巳年

四月初八日

寅

秦永恩奏言初二日

臣

於藍田

途次接據鳳邠道王文湧稟稱三月二十八日

楚匪千餘人從商南東北山溝搖旗吶喊徑撲

縣城該道率同員弁兵勇正在放鎗抵禦適副

都統豐伸布聞信帶領兵勇自桑樹卡回縣見

賊匪攻賊卽直衝賊陣鎗礮並發賊匪捨城回

拒王文湧率同知縣錢廷琛佐領奎祿等出城  
追擊兩面夾攻賊匪紛紛潰竄我兵追至十餘  
里外殺死賊匪三百餘名生擒騎馬賊目十四  
名步賊二十五名奪獲騾馬鳥鎗刀子等件我  
兵間有被傷餘賊向東南逃竄隨帶領兵勇回  
城防守一面飛探賊匪去路設法堵剿又據雒  
南縣知縣和保稟報楚匪二千餘人屯聚盧氏

之蘭草河屢撲從南卡隘俱經兵勇擊退三月二十八日賊匪聞豫省追兵已到直撲雒南樂莊守卡兵勇上前截剿殺賊二百餘名兵勇均有傷亡因衆寡不敵賊已入境現在設法堵禦又據商州知州周光裕稟報有竄匪一股在武關一帶滋擾商南文報阻隔並據稱該州存城兵丁僅止二十名懇請發兵救援等情

臣查商

雖一帶在在與豫省相通兵力甚單前聞慶成  
有帶兵行抵盧氏之信當經飛劄囑卽赴陝會  
剿今慶成已抵蘭草河距藥莊更近自必先由  
該處進剿但武關爲全陝門戶屏蔽商州臣又  
飛劄慶成就近分兵剿辦至商州兵備空虛臣

於未接該州稟報之先已將隨帶撫標兵二百  
名竹谿鄉勇二百名交叅將鍾岳先帶赴商州

防守本日准可到州又臣前調滿兵四百名現

在頭起一百五十名已於本日由藍田前進後

起官兵亦經飛飭領兵官星夜趨行商州城守

足資防範惟查商州北界尙有大商原等處由

雒南小路可以繞出商州之後直達省會尤爲

喫緊已派遊擊海洪阿帶兵一百五十名竹谿

鄉勇二百名馳赴該處擇險防守現在隨臣兵

丁僅止五十名不敷派撥復於各營分零星募

集約可得二三百名臣一面趕緊檄調一面督

率地方官團聚鄉勇防守藍田通商要隘以遏

賊匪繞出北竄之路俟部署嚴密卽趕緊前進

剿辦

同日蔣兆奎奏言四月初二日臣閱兵回抵代

州途次准奉承恩咨稱豫省賊匪直撲商南縣

境卽於附近陝省各屬營汛派撥精壯兵一千名倍道赴陝卽由潼關前赴商南協剿等因

臣前據河南藩司吳璥稟請調兵一千名赴洛

陽防守臣隨經於大同鎮屬挑備兵丁二千名

內派撥一千名令原派叅將富靈保統領卽日起程赴省今思賊匪竄入陝省商南需兵甚緊而洛陽防守尙可稍緩且晉省至商南路遠至



洛陽較近

臣

現將派撥赴洛陽防守兵一千名

卽令富靈保統領由太原兼程前赴商南以資

堵剿而河南洛陽所需防守兵一千名

臣

卽飛

稜大同鎮臣恩特黑默將前挑備赴陝兵二千

名內後起一千名飭原派之寧武叅將鮑貴統

領由各營接踵而來以備景安等咨調惟

臣

於

未准陝西咨調之先經秦承恩以用兵緊急徑

劄蒲州文武官調去兵二百名又據西安司道  
奉秦承恩劄飭飛調平陽營兵丁移咨護平陽  
鎮富德調去兵二百名現在蒲協本城止存兵  
數十名平陽鎮標止存兵三百餘名實不足以  
資防守此次所撥大同鎮屬兵一千名分作三  
起行走其頭二起六百名飭令迅赴商南第三  
起四百名臣卽以二百名撥在蒲州協以二百

名撥在平陽鎮標則本省營汛亦可不致空虛  
再接秦承恩另劄令臣再於大同等營分密調  
兵一千名前至蒲州以備續調臣現擬如數挑  
備其應否令其前至蒲州候調之處仍候

皇上訓示遵行均奏入

上命軍機大臣傳諭惠齡恒瑞興肇景安慶成秦承  
恩曰此次賊匪直撲商南縣城經豐仲布王文湧

等督率兵勇痛加剿戮殺斃三百餘名生擒賊目  
三十餘名辦理尙好而秦承恩於途次接到稟報  
調度亦皆得宜豐伸布王文湧俱着賞戴花翎至  
商南武關一帶與豫省相近前已令恒瑞慶成等  
前往追剿今據奏慶成已抵蘭草河距樂莊甚近  
豈此時該提督等尙未趕到何以不迅速剿捕任  
令賊匪在樂莊滋擾而恒瑞興肇又尙在何處剿

賊卽惠齡一得賊西竄之信亦應星夜趕往本日  
蔣兆奎奏將先調兵一千名徑赴商南其續調兵  
一千名亦卽起程是軍威不爲不壯惠齡等自應  
設法兜擒何以總在後追趕轉墮賊牽制官兵之  
計耶

初九日巳卯惠齡奏言竊臣馳赴南召於青苔途

次接准景安知會後股賊匪業經該撫會同興

肇等在古石灘一帶截殺賊向大山逃竄等因  
並探得恒瑞等亦已星飛追往臣於三月三十

日行抵南召縣詢據該縣葉灼稟稱後股賊匪  
向西南山晝夜狂奔聞已逃至嵩縣境內景安

興肇恒瑞等均已前往截剿其頭二兩股賊匪

現聞歸併一處向內鄉境內奔逃經慶成巴克

坦布等帶兵追往等語臣查內鄉淅川一帶景

安原派有官兵在彼防守爲數無多而

臣

前令

舒亮阿爾薩朗帶兵分駐李官橋三尖山等處

尙隔浙川縣境亦恐鞭長莫及況內鄉浙川一

帶與陝省商南等處及鄖陽所屬毗連

臣

先已

飛飭鄖陽文武嚴行堵截並知會秦承恩及藩

司倭什布囑其嚴飭各屬加意妥防查後股賊

匪現有多兵剿捕而前兩股之賊歸併一處爲

數自必較多况慶成等所奏王廷詔李全等均  
在前股賊內是此處尤爲緊要現據南陽縣知  
縣周書升稟稱接浙川來信二十六日賊由瓦  
窑溝竄至李漫坪離該縣之西坪不遠似欲直  
奔浙川等語是賊匪旣將奔赴浙境臣自應趕  
赴內鄉迎頭截剿一面知會慶成等在後緊追  
庶可兩面夾擊



同日倭什布奏言據鳳邠道王文湧等來劄賊  
匪於三月二十八日由捻耳溝趨赴商南縣城  
外嘯聚山梁約有二千餘人徑撲東南二門該  
道督同佐領奎祿該縣錢廷琛等激厲兵勇自  
城上施放鎗礮賊衆拚死不退適副都統豐伸  
布在洋淇溝聞知帶領滿漢兵丁鄉勇從桑樹  
卡一帶馳圍直攻賊陣賊衆轉身迎拒該道等

出城追擊內外夾攻賊衆紛紛潰竄兵勇奮力  
兜剿殺死賊匪四百餘名生擒賊匪三十九名  
解送撫臣行營辦理等語又據同州府知府朱  
勲等稟報賊匪於三月二十八日撲犯藥莊卡  
營經遊擊張濯督率兵勇堵禦未退二十九日  
慶成帶領官兵自豫省盧氏之火焰溝等處進  
剿至彼賊始分作二股潰逃一股由小路西竄

現經慶成帶兵追殺一股竄往雒南之雞頭關  
滋擾經遊擊張彪擊走至慶成帶兵過境臣已

諭令商雒等屬就近安速供支不致稍有遲悞

其潼關各卡隘亦一律分布兵勇防範嚴密

同日蔣兆奎奏言初四日臣在忻州途次准秦

承恩咨稱商州武關地方被賊佔據兵力單薄

飛催前調兵二千名迅速兼程前進等因昨准

秦承恩來咨當經臣籌酌緩急卽以前赴洛陽

防守之頭起一千名令由太原前赴商南以後

起一千名候河南咨調茲陝省需兵萬緊臣卽

將前兩起兵二千名均飛飭各領兵官兼程赴

陝其河南所需赴洛陽防守兵一千名另咨大

同鎮再爲挑備再臣前摺內以陝省先於平陽

蒲州等營調去兵四百名請於前一千名內扣

留末起四百名撥在平陽蒲州防守茲旣需兵

孔急

臣

卽令頭起一千名與後起在前行走之

六百名全數前往併先調之平蒲營四百名以  
足二千之數將末後四百名仍照原奏分撥平  
陽蒲州兩處各二百名防守均奏入

上命軍機大臣傳諭宜綿惠齡景安慶成秦承恩曰  
倭什布奏賊匪擾至商南縣城經豐伸布王文湧

等帶兵剿殺與秦承恩昨奏相同其所稱樂莊滿  
擾賊匪經慶成由盧氏之火燄溝進剿賊復南竄  
等語樂莊在商雒之間賊從樂莊南竄離潼關華  
陰已遠斷無虞賊匪竄入除豐伸布王文湧昨已  
賞戴花翎外慶成著賞給玉搬指大小荷包張彪  
奎祿錢廷琛著秦承恩咨部議敘慶成與巴克坦  
布訥音本爲一路今倭什布摺內祇稱慶成在樂

莊殺賊是否巴克坦布訥音另分一路或尙在後  
著卽查明遇便覆奏又蔣兆奎奏接准秦承恩知  
會已催令所調官兵迅速赴陝協剿蒲州距潼關  
甚近現於大同鎮屬撥兵在彼防堵該撫此奏自  
係續接秦承恩前此張皇咨調之信尙未知賊已  
南竄該撫祇當督飭地方文武在蒲州沿河一帶  
嚴密查察斷不可令蒲州民人稍有驚疑至惠齡

改道馳往內鄉一帶正可迎頭截剿秦承恩曰內  
自早與慶成會合恒瑞興肇此時亦當踵至軍威  
壯盛務須將首逆三名設法擒縛不可僅殲餘匪  
轉致首逆乘間他逸再賊匪現經南竄非仍回郢  
襄一帶卽思竄至興漢圖入達州賊夥宜綿亦應  
留心

十一日辛巳恒瑞興肇景安奏言臣等連日督兵



追剿因伏牛大山險狹異常並無一徑可抄此

股賊匪晝夜狂奔向西窮竄

臣

等接據慶成等

來信前股賊匪已由火焰溝一帶竄入陝境

臣

景安屢次擒獲竄匪訊據供稱第三股賊首係

姚之富與齊王氏齊王氏向同姚之富爲一夥

三月二十一日在羅曲灣打仗齊王氏左臂中

鎗墮馬被賊夥扶救原想起上前兩股併作一

起等語臣等公同商議臣須設法迎截使其不

能直趨歸併臣恒瑞碩等保總兵王文雄挑選

精健馬兵五百名裹帶臣糧由北遶道前往官

坡以遏賊由火焰溝出境之路臣景安興肇總

兵張文奇帶領步隊趕臣掩擊賊匪復折向南

路之百花溝攀藤附葛臣越豫省界牌嶺直趨陝

省雒南縣境臣恒瑞興等帶領馬步官兵極

力追剿

臣

景安未便深入陝境遠追卽與王文

雄等暫於陝豫交界擇要紮營防堵再

臣

景安

前在浙川拏獲教首繆々口高據供劉之協會在

荆紫關傅姓家藏匿係江五禿子告知等語當

經陝省將汪五禿子拏獲委員押解至荆紫關

臣

卽飭委知府彭如幹帶該犯至傳際說家

嚴密搜查實無劉之協蹤跡當飭臬司陳文緯

提汪五禿子嚴訊據供曾拜已正法之茹澤民  
爲師學習邪教轉傳汪從義汪會義霍騰蛟爲  
徒與劉之協並不認識因素知傅際說家八世  
同居人所取信遂捏稱咒語得自傅姓家中並  
聞劉之協是有名教首捏稱爲傅姓師傅希圖  
聳聽哄騙銀錢等情臣查汪五禿子習教傳徒  
已屬不法復敢妄佈邪言煽惑人心誣害良善

情罪甚重未便稍稍顯戮除飭司將汪五禿子  
卽行正法其傳際說委係耕讀良民卽行省釋  
仍飭各屬查拏劉之協務期必獲至該犯之徒  
汪從義等業經查獲現飭該司訊明有無傳徒  
之處另行照例辦理奏入

上命軍機大臣傳諭惠齡景安慶成秦承恩曰景安  
等奏追擊第三股賊匪窮蹙西奔情形殊未明晰

前據倭什布奏賊匪竄在陝境後豐伸布等在商  
南痛加剿殺其藥莊賊匪亦經慶成進剿賊已南  
竄是此次竄往陝境之賊祇在陝西邊界滋擾一  
經官兵截剿旋即奔逃亢豫省現已無賊景安不  
過駐劄交界防堵何致張皇措語不當若此至審  
訊汪五禿子供詞仍未待劉之協實在下落殊屬  
無謂賊匪現由雒南之朱莊地方南竄該處山徑

叢雜是否已竄入山內抑與商南擊退之賊歸併  
一夥又圖他竄現在究竟竄往何處殊深慮念恒  
瑞興肇趕往追剿自必即赴慶成一路此時姚之  
富與齊王氏皆併入前兩股賊匪之內是首惡均  
在一處更可聚而生擒二景安與王文雄於陝豫  
交界紮營防堵所見尙有賊匪蹤跡靡常今在陝  
西邊界滋擾一經官兵圍剿或又折回浙川內鄉

亦未可定卽如從前棗陽雙溝一帶賊匪曾屢次  
往來奔竄景安等惟當在交界要隘地方加意嚴  
防毋使再有折竄入豫

十二日壬午額勒登保福寧奏言臣等前次攻克

四方臺後督率官兵分路將黃柏山西北一帶  
賊匪搜剿殲斃甚多而賊人每於緊要山路掘  
斷官兵等隨搭偏橋前進臣等料賊匪藉此阻



塞官兵必欲奪路逃竄旋生擒賊目李元章覃  
自康嚴加訊問據供林之華覃加耀等因官兵  
節經搶佔一碗水蜈蚣山並攻至光頭山半嶺  
甚形畏懼以四方臺一失黃柏山不能據守商  
量要逃至白魚寨或隆坪去並囑我等不可僻  
張昨日四方臺卡牆一破林之華覃加耀就不  
知去向我等滾溝潛往巖洞藏躲今被拏獲復

訊以黃柏山現在有賊多少據稱節次官兵殺

戮此時約有八九千人等語

臣

等查該犯等所

供是林之華覃加耀情急思竄已屬顯然當將

該犯等正法隨據諸神保報稱本日五鼓霧氣

甚大賊匪從上坪下溝直衝中坪官兵營卡二

處千總張正綱把總羅舉睿等陣亡賊匪已上

車篷簸箕荒山梁現在堵殺賊匪多將棉被浸

濕頂在頭上持矛捨死衝突官兵成德亦帶兵  
踵至奮力協剿賊從喬料鴉兒坪等山分竄又  
據慶溥報稱聞中坪一路有賊匪衝卡恐賊到  
處分竄一面留兵防禦天池口並卽撥兵至雙  
古木一路要隘堵截等情維時臣等督率官兵  
業已深入黃柏山數十餘里查諸神保一路雖  
有成德帶兵接應或恐尾追無濟賊目旣供林

之華等有逃往白魚寨隆坪之語白魚寨爲入

長樂縣要路隆坪路通建始縣鶴峯州均關緊

要

臣

額勒登保卽帶同綸布春等繞道抄至白

魚寨其雙古木一帶與隆坪相近恐兵力尙單

卽令關騰倭什渾許文謨董寧川帶兵一千五

百名趕赴慶溥處會同追剿

臣

福寧督率巴圖

魯侍衛伍爾呼訥等帶領兵丁仍進黃柏山搜

剿臣額勒登保於二十三日馳抵附近白魚寨

之麥莊八龍地方該處山勢紛錯適遇賊匪成

羣過嶺臣額勒登保督兵下壓放鎗擲石斃賊

無算賊從山溝竄逸至富家堰鐵廠沙河等處

臣復帶同綸布春巴圖魯侍衛鎮將等覓路兜

截二十六日在紅沙鋪打仗是日諸神保慶溥

亦已帶兵由隆坪陳塘坳九里坪一帶追賊均

至紅沙鋪兩路夾擊殺賊五百餘人割獻首級  
百餘顆副將朱士奉首先擊賊受有鎗傷頗重  
賊匪又遁入金雞口我兵晝夜奔馳追殺賊匪  
數日之久人人憤勵盡力無如兵行迅速糧食  
不繼卽火藥鉛丸亦有缺乏且此一帶巒嶂坡  
坎無不陡險兼之霧雨霰雪氣候不時官兵遍  
身濕透泥深徑仄益覺艱難馬亦多滾崖跌斃

不得不暫行駐劄於二十八日詢明道路

臣額

勒登保遂帶同綸布春諸神保慶溥關騰及巴

圖魯侍衛將備等分路合剿金雞口賊人見官

兵甚衆亡命奔逃又復竄入芭葉山此山係巴

東縣鶴峯州建始縣交界之所距黃柏山已三

百餘里當令綸布春諸神保張廷彥等帶兵繞

至建始縣之枇杷塘官店口要路進擊又慮賊

人四竄金雞口一路當令慶溥關騰留兵分駐  
堵禦自麥莊入龍富家堰一帶後路綿長恐尙  
有餘匪藏匿暫令成德在彼搜捕臣額勒登保  
卽帶兵在鶴峯州屬之鄔陽關截剿並爲諸神  
保慶溥等兩路策應臣福寧連日在黃柏山殺

戮餘匪男婦三百餘人搜出包穀牛羊等當卽  
分賞弁兵所有黃柏山西南一帶於二十八日



全行掃蕩卽由長灘前至麥莊一路查看安設  
臺站督令各員晝夜趨運軍糧軍火以資接濟  
初一日已抵鄆陽關軍營此次各路生擒之賊  
鄧光舉覃元發覃元盛鄧明春趙向榮鄭名世  
等俱審明梟首寸磔但芭葉山尙爲賊匪佔據  
臣等已飛檄後路官兵僭程趕到於三五日內  
到齊卽行剿辦奏入

上命軍機大臣傳諭額勒登保福寧曰額勒登保久  
厯戎行素爲奮勇是以特命前赴黃柏山剿辦賊  
匪以爲到彼後自能將首逆卽行拏獲前據奏攻  
克四方臺而首逆仍無下落朕卽以該處西南一  
帶道路綿長恐賊匪復有竄逸當經降旨諭令速  
行嚴密截剿今據奏林之華覃加耀等復由黃柏  
山西南白魚寨隆坪逃至芭蕉山地方果不出朕

所料額勒登保等所辦何事據稱黃柏山餘匪尙有八九千人該處賊匪屢經官兵剿殺今尙有如許賊衆則伊等前次所奏殺賊之數又何足信至官兵追賊糧食不能接濟則賊匪窮蹙奔竄又誰爲之運糧卽云山險霧雨兵力亦疲豈有賊匪獨能衝冒霧雨不畏險阻之理何至官兵總在賊匪之後是所奏兵力疲乏情形不過飾詞藉口額勒

登保等經朕特加委任乃剿辦賊匪竟不能安速  
辦理擒獲賊首本應將伊等治罪姑念其帶兵追  
捕較爲勞苦是以此次暫從寬假額勒登保福寧  
俱嚴行申飭現在賊匪已竄至芭葉山額勒登保  
等務當倍加愧奮上緊截剿將首逆按名擒獲仍  
屬伊等之功朕尙加以恩獎倘再因循延緩則不  
能曲邀寬貸矣所有此次受傷之副將朱士奉尙

屬奮勉曾否調治平復著週便覆奏

十四日

甲申

巴克坦布慶成訥音奏言查賊匪竄

入大山向潼關一路狂奔

臣

等於雒南縣之樂

莊地方分兵截殺賊始退回西南奔竄惟是

臣

等帶兵抄繞日夜行走百有餘里滿漢兵丁僅

係隨身裹帶軍火乾糧露處已將一月撫臣景

安已駐陝豫接壤地方

臣

等雖已飛咨陝西接

濟軍糧馬匹因官兵兼行迅速距西安尙遠山路險阻一時運送不能趕到且山僻小路市鎮

稀少覓食頗難兵丁間有行走勞乏馬匹亦多

疲憊

臣

等正在催趕前進途次忽聞賊匪竄至

陝省商州邊界

臣

等當卽先行選帶滿漢精壯

馬步弁兵馳往於初二日繞出落花溝遙見賊

匪在高山密林內停歇

臣

巴克坦布及德光帶

領步隊卽於對面山梁排開用礮轟打

臣慶成

訥音及德齡帶領已圖營侍衛馬兵暗從山旁

繞上官兵仰攻甫至半山賊衆分股俱向下壓

我兵人人爭先鎗箭齊發奮勇撲上賊匪向西

南越山逃遁

臣

等帶兵追趕三十餘里至趙家

冲地方賊衆已分投逃竄

臣

等擬卽在該處紮

駐紮看左近村莊房舍似已被賊蹂躪隨卽尋

出避賊民人詳詢據稱曾有商南縣迤西撓鈴  
河地方一夥新起教匪約五六千人焚掠而來  
業於本月初一日由此前赴鄖陽鄖西一帶本  
日敗賊亦必由前起賊人之路奔逃等語臣等  
殊爲駭異當卽差派將弁分路查探賊蹤去後  
旋據回稱察看賊蹤果係由前夥賊人之路奔  
逃並在山後盤獲南來民人張文斗等三人卽



係尋找前起教匪之人等語

臣

等親加訊究供

認不諱伏思賊匪節經官兵痛剿勢已窮蹙雖

入山以後間有褻脅亦不甚多今商南縣撓鈴

河地方又有逆匪滋事不免增添黨翼似應厚

集兵力分路併剿除飛咨惠齡迅速分兵前來

會剿並分咨秦承恩汪新選派兵勇在要隘堵

截外

臣

等仍卽跟蹤前進

一面催趨落後弁兵

及陝省軍火糧馬接續前來臣等稍加整頓卽可兼程前進

同日汪新奏言本月初四日據派往黃龍壩之鎮道徐昭德馬瑀胡齊崙等報稱派員分赴總徑要口設卡堵截一面以編查戶口爲由派委員弁各帶兵勇同時分赴各村搜查匪匪卽令義總保甲村長集頭人等據實指首總期盡絕

根株等因

臣

隨於初五日親赴該鎮道紮營處

所傳令督催隨據南路委員候補同知高舉候

補守備王德洋等擒獲匪匪汪世貴等三十名

北路委員候補州同郭淵極把總牟啟雲等擒

獲匪匪劉之貴等三十一名東路委員候補知

縣高爲濟行營千總陳生花等擒獲匪匪丁維

孔等二十一名西路委員候補知州徐縻慶章

京富盛阿等擒獲鄧思賢等六十七名又據委  
員顧文葆陳華祝任履增等各員拏獲匪匪廖  
天相等一百二十八名通共拏獲二百七十七  
名口隨即督飭各委員隔別研訊據汪世貴供  
該犯向拜教頭王仲方爲師上年王仲方姚之  
富張富國等各自糾約起事到處燒搶打仗殺  
人攻過棗陽襄陽縣城姚之富因被官兵殺敗

想要逃散王仲方恐人散被拏主令衆人合併  
一起以便迎敵今年正月又被官兵在三尖山  
打散脫回張家崗一帶躲避前日聞得姚之富  
們逃往河南王仲方約定仍往合夥因恐沿途  
各卡盤詰是以未去不料被獲王仲方想躲在  
近處山內等語其餘各犯訊俱習教從逆節次  
打仗殺人且脫歸潛匿並不赴官投首均屬肆

逆怙惡法無可貸現卽分別斬梟示衆查據犯  
供教頭王仲方爲緊要首逆必當嚴拏速獲現  
已選派妥幹員弁逐處窮搜並知會楚豫各卡  
隘一體盤詰以期迅卽就獲

臣

與鎮道等分懸

各村曉諭居民俾知道逆萌盡剪各宜及時耕作  
自謀生計無不同聲歡頌共慶安全其豐樂河  
羅店應山孝感等處前聞亦有匪匪當派文武

員弁慎密踵訪日內據報尙俱寧靜仍飭加意  
偵察隨有隨辦再查襄陽等府屬被賊難民先  
經給發錢米量加撫卹此時賊氛已遠各境漸  
寧且本年逢閏日下甫交立夏尙堪趕種秋禾  
臣業已剴切示諭各難民及早歸還本籍以便  
欽遵

恩旨編查戶口普加三月賑卹給予房屋修資併勸

諭及時耕作竚待秋成又查本年二三月間賊  
匪竄擾之應山黃安黃陂應城安陸等境居民  
奔避流離失所與上年被擾各屬情形相仿所  
有應徵錢糧合無一併請

旨蠲免俾得均邀

渥澤均奏入

上命軍機大臣傳諭惠齡慶成景安秦承恩汪新曰



慶成等由欒莊一路追剿賊匪賊匪又向西南奔竄且據奏稱商南之撓鈴河地方又有邪教夥匪焚掠滋事與慶成剿散之賊俱竄往鄖陽鄖西一帶等語似此四處奔竄裹脅愈多若不亟爲搜捕必致未被賊擾地方遭其蹂躪雖據稱官兵行走迅速糧運不能趕到馬匹亦多疲憊但賊匪屢被官兵追剿勢已窮蹙猶能奪路奔逃官兵豈不能

跟蹤追剿况賊人步行居多官兵兼有馬匹何至  
轉形疲乏總落賊後且賊匪分路四竄又誰爲之  
運送糧食安得以此藉口再臣瑞興肇前據奏稱  
已趕赴慶成一路而此次慶成等摺內並未提及  
伊等究在何路前來因何行走遲緩而惠齡於初  
一日已由南召赴內鄉浙川一路追剿該處與商  
南一帶接壤何以尙未迎見賊匪至秦承恩於初

二月已由藍田前進自應早與慶成等會合夾擊  
何以此次摺內尙稱咨會秦承恩派兵堵截又未  
聲明該撫現在何處再豐伸布前在商南剿殺賊  
匪後今又在何處堵剿亦未奏及殊未明晰此時  
賊匪已經南竄伊等所請添調之兵早經降旨調  
派現在西安及蒲州官兵諒已陸續到齊合之惠  
齡等原帶官兵聲威已極壯盛惠齡慶成等當倍

加振奮併力進剿倘仍前觀望稽延致賊匪復擾  
及他處地方伊等試思當得何罪耶至現在官兵  
追剿賊匪糧餉關係緊要其附近豫省地方景安  
自應無分畛域迅卽量爲接濟其在陝境剿賊官  
兵自應隊省就近運送秦承恩雖係書生打仗殺  
賊非其所長而於糧餉一切寧不當妥速籌辦倭  
什布駐劄省城亦當督率所屬將軍火糧餉馬匹

等項接續運往以期無悞軍行再慶成等盤獲張  
文斗等三犯於訊供後會否卽行正法何以未據  
奏明又據汪新奏搜獲匪犯情形所辦尙好其盤  
獲匪匪之文武員弁著咨部議敘其究出教首王  
仲芳與姚之富張富國均係傳教首犯務須嚴行  
緝獲毋任漏網現在商州賊匪又有竄入鄖陽鄖  
西一帶之信該處防守兵丁前經撤赴襄陽堵剿

營汛空虛著汪新卽酌派兵勇於鄖陽鄖西各要隘嚴密堵禦勿令賊匪又復竄入其應山等縣錢糧著卽查照蠲免再現令軍機大臣按照輿圖約畧繪出圖樣二分恐方向不能甚準著發交慶成秦承恩各一分卽將賊匪由何處奔竄現在屯聚何處官兵於何路追捕之處各按地名方向另行更正詳悉繪圖粘笺呈進以便觀覽指示

上又命軍機大臣傳諭宜綿惠齡額勒登保福寧畢  
沅景安秦承恩汪新英善曰上年邪教起自長陽  
當陽未幾即襄一帶相繼滋擾雖經以次撲滅而  
巴東歸州之賊竄入黃柏山近又逃匿芭葉山其  
達州教匪延及興安紫陽等處者亦已肅清而金  
莪寺清溪場賊巢迄今尙未剿滅至襄陽之賊先  
在鍾宜棗隨一帶屯聚近又由盧氏竄入陝境商

雖一帶東奔西竄往來無定所過村莊焚掠爲害  
若不亟籌掃蕩僅事尾追使未經蹂躪之區復遭  
擾累日復一日伊於何底各路領兵大臣俱係朕  
特派前往寧不知賊匪多過一處卽多擾一處多  
一日搶掠則百姓多一日顛連而糜費帑金尙爲  
餘事伊等身列行間目擊情形何以漫無籌畫任  
令耽延時日若云軍營事權不能歸一或致辦理



學肘則張陽一路原責成惠齡達州一路責成宜  
綿黃柏山一路責成額勒登保福寧若云兵力不  
敷已節次派調隣省各兵京營勁旅並湖南撤回  
勝兵共至數萬軍威不爲不壯卽軍餉一項各省  
撥解以及特發部帑不下三千餘萬豈尙不敷支  
給卽此外尙有碍難情形伊等亦應據實奏聞或  
曰揣才力不能辦賊更當奏明候朕另派大臣前

往督剿乃諸處大員並無一字奏及况明季流寇  
橫行皆緣其時紀綱不整朋黨爲奸文恬武嬉置  
民於不問以致壞事方今吏治肅清勤求民隱每  
遇水旱偏災不惜多費帑金蠲賑兼施而普免天  
下錢糧五次普免漕糧三次及蠲免積欠不下億  
萬萬百姓具有天良均應知感此次邪匪煽誘不  
過烏合亂民國家威稜遠播凡在荒徼無不賓服

若以內地亂民糾衆滋擾不能立時殄滅其何以  
奠九寓而服四夷耶伊等若再不知激發天良通  
盤籌酌四面堵截速擒首逆掃除餘匪以致流毒  
蔓延多耽時日自思應得何罪且問心何以自安  
耶著宜綿惠齡額勒登保等將伊等卽今如何定  
見進剿及賊匪究竟於何日可以剿淨之處據實  
具奏毋稍含混再湖北賊匪前在荆宜施襄鄖一

帶其焚掠處所在各府縣中統計若干處合之湖北一省約有十分之幾著畢沅汪新查明具奏又襄陽之賊竄入豫境由桐柏至嵩縣盧氏內鄉淅川一帶被搶村莊若干現復竄至陝西商雒及達州教匪闖入興安紫陽一帶被賊蹂躪處所若干及達州之賊在該州境內焚掠村莊若干川陝二省各有十分之幾並著宜綿景安秦承恩英善一

併查明覆奏至被擾各該省州縣難民復業者已  
有若干現在如何安輯並著各督撫妥爲撫綏勿  
使失所去而從賊方爲妥善各將辦理情形據實  
奏聞不可諱飾朕於有功自加懋賞有罪亦予嚴  
懲信賞必罰惟在各路領兵大臣自擇耳勿調言  
之不預也愼之勉之

臣  
等謹案容民畜衆其象爲師庶頑讒說帝

世不免我

國家深仁渥澤淪浹民生而山林梟獍之徒自外  
生成輒以邪辭淆惑嘯聚無賴肆毒閭閻

皇上簡發師徒

分命將帥多費度支尅期撲剿祇以賊匪恃險狂奔

苟延偷息

申諭帶兵大臣責成速辦伏讀

聖諭賊匪多過一處卽多擾一處多一日搶掠則百  
姓多一日顛連並令將被賊州縣各有十分  
之幾詳查覆奏仰見

如傷之念繫於

宵旰

訓詞深厚實有溢於

運謨籌筆之外者矣

十六日丙戌秦承恩奏言臣行抵商州查得湖北

頭股賊匪由盧氏竄入商南拾耳溝徑撲縣城  
經豐伸布王文湧等剿殺三百餘人後分竄四  
鄉焚掠又經鄉勇宣述古張學愚等於二十九  
三十等日截殺及生擒一百四十餘人此股賊  
匪現已竄至商南縣屬之趙家冲屯聚二股賊  
匪由盧氏竄入雒南樂莊經慶成等帶兵追至



該匪等卽由商州武關一帶沿路滋擾亦竄至趙家冲入縣慶成等現已帶兵趕上三股賊匪由盧氏竄入雒南桃坪由商州龍駒寨焚掠竄至山陽縣屬之土門一帶屯聚現經恒瑞興肇等帶兵趕至商州臣等公同籌酌第三股賊匪已至山陽邊界若官兵跟蹤追剿賊匪必由山陽竄至鎮安不特山深路險且鎮安北通省會

南達興安爲南山扼要之地必須由山陽迎剿  
恒瑞等當卽帶領官兵由商州趕赴山陽抄在  
賊匪之前迎面進擊以遏其西竄鎮安之路興  
肇復帶兵八百名前赴勞峪口堵截以杜其復  
回商州現在商州雒南已無賊匪滋擾臣因商  
州亦係素有邪教之地現在暫駐彈壓妥爲安  
撫一面將前調山西暨延綏固原兵丁趕緊催

到卽親身帶領探明何處賊多星速前往會剿  
至慶成等一路應需軍火糧餉馬匹前因第三  
股賊匪在龍駒寨一帶滋擾運去糧餉遇賊攔

回

臣

隨飭令各地方官就近廝探路徑另行設

法運送供支今龍駒寨道路已通

臣

當卽飛飭

藩司倭什布安設臺站派委委員多募鄉勇護

送分路趕運

臣

仍就近督催務俾源源接濟

同日恒瑞興肇奏言臣等追剿第三股賊匪由

陝西雒南縣境沿途偵探賊又竄赴商州邊界

查商州爲省城門戶臣等星夜趕赴適秦承恩

先已到州查明賊匪現在商州之南山陽縣邊

界臣興肇帶滿兵八百名前往撈峪口堵截賊

匪北竄之路臣恒瑞同碩雲保富成卽帶兵馳

赴山陽抄路截剿至所帶官兵雖因追賊日久

間有疲乏<sup>臣</sup>等惟有竭盡心力設法鼓勵以期  
賊匪卽日殲除

同日景安奏言<sup>臣</sup>因賊匪狡獪異常雖已竄入

陝境恐大兵緊追仍復翻山折回是以暫駐盧

氏邊界防堵連日督率弁兵搜捕山溝竄匿餘

匪已經淨盡探得賊匪分起竄至山陽鄖西一

帶距豫省西南邊境二百餘里<sup>臣</sup>卽令總兵張

文奇帶兵在陝州盧氏往來防堵臣與王文雄

帶兵馳赴浙川荆紫關一帶相機堵截所有原

派移駐洛陽之山西官兵一千各自無庸調撥

前來臣已飛咨蔣兆奎卽行停止再前因大兵

分起追賊臣一面飭令藩臬兩司分投撥運軍

需並派委妥員隨營照料支應復恐山路崎嶇

挽運或致遲悞又飛飭經過各路道府率同附

近州縣趕辦軍糧隨地隨時就近運濟嗣因賊

匪竄入陝境

臣

仍飭令各委員攜帶軍火糧餉

隨營支應並飛咨秦承恩並藩司倭什布迅速

籌備但究恐陝省倉猝之間不能齊備仍應趕

緊接續運濟惟是大兵現離豫境三百餘里且

官兵移營莫定探聽難得確實若逕送各路軍

營誠恐道路紆遠人地生疎呼應不靈轉致岐

快現飭臬司陳文緯糧道完顏岱將豫省現有  
軍火糧餉等項就近委員運交商南縣由陝省  
委員接運分撥各營以資接濟又准汪新咨稱  
於南陽新野一帶設立糧臺腰站以資滾運等  
因目下大兵俱已赴陝距南陽一千數百里自  
不必再於該處設臺撥運已飛咨汪新卽行停  
止



景安又奏言查河南一省屏翰

京畿幅輳達濶四衝八達通省各營額設兵丁共

九千九百九十九名分布一百八廳州縣防守

城池派撥墩汛爲數本不爲多如信陽之武勝

平靖黃土等關桐柏之出山店唐縣之潭河鎮

等處均與湖北接壤浙川之荆紫關近連秦楚

陝州唐氏一帶緊接陝西山大路險尤爲緊要

各該處額兵寥寥無幾必須添設兵力庶足以  
壯聲威而資捍衛若臨時調撥隣省官兵既恐  
緩不接濟未免跋涉勞師又多糜費且豫省添  
調一千隣省即少一千兵力此盈彼絀亦非常  
法至鄉勇本不知紀律祇可各就各鄉互相守  
望若令其拒賊衝鋒究難深恃而雇募之費較  
之兵丁糧餉爲數轉多

臣

再四思維與總兵張

文奇王文雄暨藩司吳璫等悉心籌酌莫若選

募精健丁男三千名作爲戰兵

臣

與兩鎮分隊

帶領督率訓練察看何處需兵卽帶往何處防

堵則守禦各有責成調遣亦可一呼而至較之

隣兵鄉勇旣省糜費又得實用俟軍務告竣後

應作何分撥並添設營制官職之處容

臣

酌量

情形通盤籌議再行請

旨辦理至現在所募新兵應支糧餉卽照步兵之例  
按月支給一切經費均於司庫籌款動支事竣  
核實報銷如蒙

俞允

王

與張文奇王文雄卽分飭召募親督操演不

過兩三月間可期技藝嫻熟足資戰守之用再  
查前月楚匪分股竄入豫境係由信陽桐柏確  
山遂平泌陽葉縣裕州魯山嵩縣盧氏等州縣

邊界經過其第一第三股賊匪因

臣

趕緊抄擊

節經截殺賊匪倉猝奔逃僅于沿山一帶村莊

掠食所焚房屋無多惟第二股賊匪竄入時沿

路焚掠村莊情形較重其中市鎮處所商賈居

多俱係有力之人暫時遷避即可聽其自行復

業其本地無力貧民以及山僻村莊小戶經此

蹂躪情殊可憫

臣

業經飭令兩司及該道府等

率同地方官確查無力貧民散給口糧妥爲撫卹並查明被焚瓦草房間照例分別給予修費以資棲止均奏入

上命軍機大臣傳諭宜綿惠齡恒瑞興肇慶成景安秦承恩汪新英善曰連日盼望秦承恩奏報未至正深縈念本日據該撫及恒瑞興肇奏到二摺覽奏稍慰但秦承恩初二日已至藍田於初十日始

行發摺而恒瑞興肇於初五日與景安在嵩縣分  
路赴陝何以此時亦甫到彼行走俱屬遲緩據稱  
頭二兩股之賊均竄入商南趙家冲三股之賊竄  
入山陽土門一帶等語此第三股賊匪曾否與頭  
二股合爲一夥抑尙在分竄慶成先往追賊現在  
曾否已抵趙家冲或又至何處剿賊至賊匪在商  
州之南必有屯聚處所其趙家冲地方在商南何

方士門又在山陽何處摺內均未指出聲敘仍屬不明著遵前旨詳悉繪圖貼說進呈以便披閱然此時恒瑞帶兵抄赴山陽興肇帶兵赴澇峪且堵截是恒瑞在賊匪西南興肇在賊匪西北秦承恩在賊匪正北慶成等在賊匪之東北而惠齡由浙川而來正迎賊匪之東南周圍俱有兵堵截其南面鄖陽鄖西一帶守禦空虛賊匪必仍思乘間



竄入而鄖陽竹山竹谿地方上年已被賊滋擾前  
此亘綿所剿泥河口賊匪亦曾在鄖西一帶焚掠  
此時自無從掠食正可設法遏其要隘殲擒較易  
雖山徑叢雜然山中必有出入要路祇須派員帶  
兵堵截扼要據險爲一夫當關之勢賊人豈能插  
翼飛越現在大兵先後抵商而前調山西官兵諒  
已到齊秦承恩亦卽馳往惠齡於途次得賊匪竄

入商南之信定亦由浙川迎赴惟當上果圍捕生擒首逆若賊匪由何處逃竄卽惟該路帶兵大員是問至鄭陽與興安交界尤當防其竄入興安翻山至達州一帶與該處賊匪合夥著宜綿等務將金我寺清溪場賊匪上緊進剿擒渠竣事速帶勝兵探聽鄖陽一帶賊匪如未殲淨卽由興漢而來旣截其竄合之路且可與惠齡等兩面夾擊更爲

得力所有商南堵截出力之鄉勇宣述古張學愚  
著賞給七品頂戴又據景安奏轉請招募新兵以  
資防守此時賊匪雖已竄陝景安防其翻山折回  
或募兵預備爲一時權宜之計尙無不可然此事  
朕早經計及已降旨諭知招募新兵該撫具奏已  
失之遲緩至欲添設營制官職一節殊無此理各  
省官兵久經設有定額從未聞兵數不敷征調者

且有治人無治法卽多添兵數而辦理不善於事  
何益況此次調兵省分不止河南若他省因有征  
調相率效尤試思以一二邪教亂民煽惑滋擾致  
各省增添兵額更易舊制有是理乎且河南爲腹  
地非如湖南苗疆可比辰州三廳原屬改土歸流  
近又將平隴等處苗寨設官鎮守不得不新添兵  
制分防彈壓河南營汛設定已久豈可遽議增添

景安此奏殊屬冒昧著傳旨嚴行申飭目下當暫  
行召募幫同防堵一俟軍務完竣撤歸原伍時其  
征兵內有陞拔及事故出缺之人即可將新募之  
兵陸續頂補多者不妨緩待裁歸原額方爲正辦  
至賊匪所過各處民人遭其蹂躪現在令爲撫卹  
一節昨因此事最關緊要已有旨令各該督撫等  
查明妥辦此等被難貧黎現雖陸續復業但無資

本不能播種大田殊爲慮念著該撫再行飭屬詳  
查今年有閏六月可以趕種晚田如有力不能耕  
者卽當賞給籽種俾得及時趕插或補種晚禾雜  
糧均可藉資餬口不致失所流離陝西商雒湖北  
鄖襄四川達州被賊搶掠處所甫經歸業難民著  
秦承恩汪新英善均當照此一體留心妥辦用副  
朕軫念窮簷至意

十七日丁亥汪新奏言臣接據鄖陽府知府王正

常稟報賊匪合夥由商南入鄖西縣界本月初

二三等日擾及趙家川界牌垸等處逼近郡城

存兵無幾現在招集鄉勇協力防守請速發兵

援剿等情臣思前此賊匪本分數股竄入豫境

西向商雒目下竄入鄖境自因惠齡秦承恩等

前截後追是以狂奔窮竄惟查鄖陽各屬兵守

空虛而郡城濱臨漢水實爲襄樊上游關係非  
輕該守雖已募勇協防但恐未足深恃而惠齡  
等所帶官兵從後跟追勢難分兵援應且虞賊  
被追急又復下竄襄樊必得迅速撥兵馳赴駐  
守查夾河洲黃龍壩二處派有官兵一千數百  
名鄉勇萬餘名分紮協守日前該二處伏匿竄  
匪搜殲淨盡現距賊氛較遠無復他虞所有原



駐各兵尙可抽撥以濟急用臣現已飛致鎮臣

馬瑀於該二處防兵內挑帶五百名卽日統帶

星赴鄖郡相機防剿至夾河洲黃龍塢二處臣

查惠齡前派同知周季堂守備陳之壯赴羅店

豐樂河一帶查辦餘匪帶有兵丁四百名鄉勇

八百名日內該處已無餘匪臣業已飛調該丞

備卽日前來以爲撥補夾河洲等處駐守之需

又思鄖郡山險路岐界連川陝或尙有需兵協  
應之處查據湖南澧州探報原任提督劉君輔  
帶兵千餘名由南省前來武昌臣以武漢等處  
現在並無賊警已飛咨該提臣於何處接准咨  
會卽於何處取道帶兵過來襄郡再看情形如  
賊未剿退卽星赴鄖郡協剿如賊已被剿他竄  
卽留鄖堵防毗連川陝各隘均屬得濟奏入

上命軍機大臣傳諭惠齡恒瑞興肇慶成秦承恩汪  
新曰汪新奏陝境商雒竄匪折入鄖境抽兵赴防  
所辦尙好昨據恒瑞興肇秦承恩奏到分路堵剿  
賊匪情形朕卽慮及南面鄖陽鄖西一帶守禦空  
虛賊匪被剿緊急必向此處奔竄已有旨飭令留  
心堵截今據汪新所奏情形果不出朕所料賊匪  
東奔西竄與其向未經被賊地方蹂躪莫若仍令

竄回鄖陽該處村落曾經賊匪焚掠無從掠食匪徒等亦早被勾結入夥此外無由煽惑是賊匪自蹈陷罪正可乘此機會將山中出入隘路嚴密堵截汪新已令總兵馬瑀帶兵五百名馳赴鄖郡又飛咨劉君輔卽帶兵至襄星往鄖陽著傳諭劉君輔不必再至襄郡卽率所帶兵一千名迅往鄖陽則南而又已有兵正可迎頭截剿而惠齡恒瑞興

華慶成等分路圍剿而來自可將賊匪屯聚處所  
四面圍裹爲一鼓殲擒之計但鄖陽東接襄樊西  
達興安斷不可使賊匪再從該處逸出各路大員  
等辦理遲緩不卽治罪已屬格外施恩若防堵稍  
有不嚴致賊匪或西向興安達州東向襄樊逃逆  
失此機會卽惟該路帶兵大員是問必當加倍治  
罪

同日陸有仁奏言據商南縣稟稱前月二十六  
日有賊匪數千人由盧氏縣瓦窑溝前來徑撲  
縣屬之捻耳溝把總馬占熊用鎗礮擊賊匪  
捨命直前兵勇人少不能抵禦等語臣立即飛  
催富爾賽兼程行走添派附近陝省之固原提  
標兵五百名連前共一千名一併交與該鎮統  
領馳往剿殺復據商南縣飛稟署潼關協副將

劉成得率同把總馬占熊追殺捻耳溝之賊因  
衆寡不敵俱經陣亡又據雒南縣稟報蘭草河  
賊匪由火焰溝闖入縣屬之八岔卡直撲藥莊  
并據商州稟稱賊匪已佔據州屬之武關地方  
各等情伏查商州一帶在在與豫省毗連設賊  
匪分股竄入所關匪細昨接秦承恩移咨已由  
興安趕回此時自必早抵商境第附近並無可

調之兵

臣

因卽日統領督標兵三百名并寬帶

礮位軍火先行起程一面飛調甘州涼州寧夏  
各提鎮營兵共一千一百名飭令隨後趕緊馳  
赴商州又據莊浪土司魯紀勛稟稱土司世受  
國恩至優極渥今又蒙

賞借貧民籽種口糧毫無報効情願選派土兵三百  
名跟隨剿賊等因亦准其撥兵前往

臣

當與秦



承恩會合夾攻務期迅速肅事奏入

上命軍機大臣傳諭陸有仁曰本日陸有仁四百里  
報到似賊又在陝省邊境滋擾及加披閱乃係副  
將劉成得等在捻耳溝剿賊陣亡此事早經奏承  
恩倭什布先後奏到陸有仁不過代辦總督事務  
尋常事件自應照例具奏至軍務緊要事件有本  
任巡撫在彼儘可就近奏聞陸有仁遠在蘭州原

可無庸多瀆至檄調甘涼等處及十司兵丁並親  
身起程來陝殊屬張皇該處民番見檄調多兵致  
有驚疑成何事體況甘肅地方緊要陸有仁自應  
在彼彈壓尤不應輕舉妄動何不曉事體緩急輕  
重若此著傳旨嚴行申飭仍著於途次速行轉回  
蘭州並將所調各兵飛飭停止以免跋涉